



Universitätsbibliothek Paderborn

**R. P. Richardi Arsdekin Soc. Iesu S. Theol. Professoris
Theologia Tripartita Sive Resolutiones Polemicæ,
Speculativæ, Practicæ, Controversiarum, & Quæstionum,
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter
accommodatæ ...

De Controversijs Polemicis, & Scholasticis, etiam modernis

Archdekin, Richard

Antverpiæ, 1682

Quarta Propositio

urn:nbn:de:hbz:466:1-40853

Quarta Propositio.

Semipelagiani admittebant prevenientis gratiae interioris necessitatem ad singulos actus , etiam ad initium fidei : & in hoc erant hæretici quod vellent eam gratiam talem esse cui posset humana voluntas resistere , vel obtemperare. Tradit hujus primam partem diffusè nominatus Author lib. 8. de hæresi Pelag. cap. 6 : Secundam lib. 2. de grat. Salvat. cap. 4. &c. quam brevissimè stringit col. 215. dum adversarium suum perstringit his verbis. Quanta audacia , post condemnatos jam à tei sacrulis Massilienses , affirere quod quia in statu innocentie sufficiebat homini ad salutem gratia quâ poterat perseverare si velleret etiam nunc sufficere. Declarata vero est ab Innoc. X. & Alexandro VII. hæc 4. Propositio falsa & hæretica , & ut talis damnata.

Prima pars hujus propositionis , quæ facti quæstionem continet, falsa declaratur ex historia hæresis Pelagianæ in iis quæ aperte tradit S. Augustinus , Prosper , & Hilarius , qui contra hanc hæresim decertarunt. Refert verò Augustinus lib. de prædest. cap. 2. 3. 5. Semipelagianos gratiam interiorem ad singulos actus non admisisse, sed censuisse , initium fidei esse ex nobis , tanquam si fides non à Deo nobis donetur. Idem , Fidem non esse donum Dei. Item , Eos agnovisse quædam merita sua , tanquam ipsi sibi ea fecissent ; non gratia Dei. Denique , & credere & perseverare ita nostrum esse , tanquam non à Domino nos accipiamus &c. Consentit fusè S. Prosper contra Collatorem , præsertim cap. 4. 6. 10. 13. 14. & deinceps , ubi disertè exprobrat , quod diceret hominem posse bene agere sine gratia ; non incitatum

tu m' à Deo ; ante gratiam ; sine adjutorio Dei ; per vires tantummodo humanæ voluntatis ; me-rito gratiam præveniente &c. Quæ omnia in illis adeo obvia sunt & manifesta , ut contrari-um sustinere aliud non videatur esse , quam velle lectori oculos , & mente eripere .

Secunda pars propositionis damnatae afferit : *Heresim esse Semipelagianam, talem admittere gratiam, cui possit humana voluntas resistere vel obtemperare.* Hęc autem assertio non videtur reipsā dissidere à pro-positione secunda, quæ supra refutata est. Nem-pe, *interiori gratia in statu nature lapsa nunquā resisti.* Potest verò utraque Propositio Calvinus autho-re pridem gloriari. Docet enim ille lib. 2. insti-t. cap. 5. §. 11. Errorēm esse Scholasticorum, quod putarent in manu nostra esse respuere vel recipere oblatam Dei gratiam : & fuisse hunc er-rorem Pelagianorum , quos secuti sunt Semipe-lagiani ibidem Calvinus disertè afferit §. 23. *Audi-
diamus, inquit, nunc Augustinum suis verbis loquen-
tem, ne etatis nostra Pelagiani, hoc est Sorbonici Sophi-
sta, totam vetustatem nobis adversari pro suo errore cri-
minentur, in quo scilicet patrem suum Pelagium imitan-
tur, à quo in eandem arcam ipse Augustinus protrac-
tus est.*

Porrò, ne in refellendo hoc errore ex Scriptu-ra ac Patribus superiora repetamus, ex sola Tri-dentini definitione unum formemus argumen-tum nulli respuendum, qui orthodoxæ Ecclesiæ authoritatem salvam velit. Tridentinum sic de-finit less. 6. Can. 4. *Si quis dixerit liberum arbitrium à Deo motum & excitatum non posse dissentire si velit, anathema sit.* Censet igitur liberum arbitrium , hoc est , humanam voluntatem à Deo motam per internam gratiam, posse illi gratiæ dissentire sive resistere , vel contentire si velit , quod est obtem-

206 *Trad. 2, Cap. 2. De Gratia, Operibus &c.*
obtemperare. Atqui propositio damnata ex ad-
verso asserit, *Semipelagianum*, sive hæreticum, esse
admittere gratiam cui possit humana voluntas resistere
vel obtemperare. Ergo Semipelagiana & falsa est
definitio Tridentini, si vera est à Pontificibus
damnata Jansenii doctrina; quod salvâ fidei
Catholicæ veritate nemo admiserit.

Frustra hinc quæritur effugium; nexus est
qui nec solvi, nec frangi potest. Frustra, in-
quam, cum quibusdam finges Concilium hic ad
potentiam remotam, vel ad sensum divisum res-
pexisse, dum dixit liberum arbitrium posse dis-
sentire *si velit*, posse autem yelle dissentire pro
eo statu quo præsentis gratiæ impulsu carebit.
Quis enim credit Concilium in re maximè seria
nugas agere, aut linguam loqui quam nemo
capiat? Nemo nisi nugando dicet, pauperem
posse facere eleemosynam, *si velit*; si is media
requisita in promptu non habeat, aut potentiam
proximam ut ea acquirat. Neque dicetur ligatus
posse currere, *si velit*, si præter voluntatem non
ad sit illi facultas quâ possit se vinculis expedire.
Ergo quando Tridentinum pronunciat, homi-
nem posse dissentire divinæ gratiæ *si velit*, ne-
cessariò definit adesse potentiam proximam &
expeditam, ut *velit* dissentire, aut tollere impe-
dimenta quæ faciunt, ne hic & nunc possit dis-
sensum elicere. Ergo necessarium est verba
Concilii gratiæ Jansenianæ voluntatem ad as-
sensum necessitanti è diametro adversari.

Atque hinc ulterius inferes à Concilio defini-
tum esse dari veri nominis gratiam merè suffi-
cientem, cui voluntas actu resistit, quamvis in
eius potestate fuerit illi consentire & obtempe-
rare. Sed hoc infra inter controversias Schola-
sticas magis explicandum erit.

Quinta